

晚

晴

移

詩

匯

晚晴謠詩匯卷一百九十一目錄

閨秀

孔祥淑

二十九首

汪韻梅

十六首

丁毓瑛

五首

傅夢瓊

三首

路秀貞

七首

胡雲琇

三首

齡文

一首

姚若蘅

五首

何福駿

三首

俞繡孫

一首

許禧身

一首

許之雯

六首

孫鎮

二首

葛遠

八首

李端臨

二十三首

傅范淑

六首

金芳荃

三首

劉韻

十二首

程淑

四首

徐熙珍

五首

鄭業嫫

二首

易蘩

五首

包蘭瑛 二十六首

錢淑生 十六首

周桂清 八首

關壽坤 一首

馮曉 七首

張仲肅 一首

汪清 二首

許月芝 一首

俞慶曾 二十二首

俞玟 十四首

成莖 三首

任麗金 四首

莊湘澤 七首

王芬 七首

趙錄縝 六首

方毓昭 二首

劉文嘉 十六首

晚晴移詩匯卷一百九十一

閨秀

徐世昌

孔祥淑字齊賢曲阜人保山浙江巡撫劉樹堂室有韻

香閣詩草

吳肇甫曰齊賢詩於雕刻山川憑弔阨塞之作
以為古稱登高能賦可為大夫者殆不過矣
詩話齊賢為孔子七十後讀書祇記代女孫七歲偕諸兄從師
學為詩文師曰爾讀書祇記代女孫七歲偕諸兄從師
科名也遽對曰曉義理何科名即不讀書耶師曰亦須曉
義理復對曰秦之蜀之黔得分男女耶師大奇之既長隨
宦之豫之對曰秦之蜀之黔得分男女耶師大奇之既長隨
後持家佐治暇即展卷意有所感輒事吟詠嘗言塵
俗紛沓中惟此可淪靈府年三十九得疾旋瘳謂家
人曰明年四十可慮若先知者凡應貽之語俱形諸
詩越歲卒遺詩諸體皆工
其讀史十八首尤見深識

讀史

鴻濛判天地清輝並日明儀型孚萬國端由內化成早朝

警永巷失德誤傾城法戒昭古鑑尙論貴持平燕私苟不
忝千載流芳聲

誕降開王業瑞紀生民詩綿綿承世德三后助鴻基艱難
知稼穡動靜慎容儀胎教更太任鸞鷟鳴西岐有歸信天
命蒙難晦明夷作孚同服事不使臣節虧家國通一理端
爲百世師

一片驪山火良由百媚生艱難祖宗業累洽啟昌明牝雞
鳴旭旦禾黍滿鎬京禍生於所愛損積於多盈致令千載
後殷鑒難爲情

淖齒亂齊國君走不知處端賴王孫賈討賊聲威著袒右
驅市人難其在急遽藉無倚閭訓何能起衣去雖非純臣
節罪得就斧鋸大義伸慈母全國有令譽

晏安豈可懷先賢譬酖毒況在世祿子怙侈恣所欲朝日而夕月孜孜惟不足勞心與勞力貴賤各有屬所以文伯母勤事自檢束教子多義方不才由土沃豈獨魯邦瞻永作保家錄

法律爲詩書周召盡刑餘漢興承秦弊羅織不遑居邈哉雋子母好生復太初聞獄多平反言笑始自如秋肅布春陽訟理永終譽執法盡若此囹圄慶空虛

大孝通神明甘泉涌其舍當姑未諒時姜詩難寬赦沂流汲江水軒然風濤作雞鳴空往還姑渴愁難破夜紡市珍羞下堂猶參佐使無鄰母對翻益賢婦過至誠感姑心儀型遠邇播

畫虎狀猙獰遙望猶悚懼況在小兒女何敢與之遇父爲

虎所曳楊香赫然怒奮臂不顧身搏虎如搏兔搯頸雖靡
牙俯伏馳若驚笑彼逐虎者色變失故步善撓如馮婦負
嵎猶四顧

綱常彌宇宙惟孝爲至德慨世巧趨避靈府盡茅塞表表
叔先雄傷父屍未得矢志殉中流號泣廢寢食豈無弟與
夫永訣良惻惻亦有子與女割愛靡姑息夢告後六日同
浮江之側鬼神爲呵護蛟龍爲藏匿大節光天壤豐碑彰
奇特

淮寇一窠蜂所至無生理詹女誘甘言賊反任驅使父兄
脫兵刃過市躍於水暫屈非偷生完貞得所死罵賊豈不
烈族赤門閭毀濟變策萬全愧此詹處子

君子不知命勢利相奔競賢哉於陵妻尼夫卻楚聘食玉

豈不美衣錦豈不盛君臣虛以聽況執國之柄相視若浮雲琴書怡天性千載仰高風安貧良非病

牛鳴馬不應由其非同類嗟齊孤逐女自媒近於戲經曲爲大防守禮德始備三謁王之門所論皆正議配相而尊賢齊國賴以治其如女道虧才辯何足異兢兢深自持無爲盛德累

大節不可奪精誠能格天比翼申夙志連理結後緣青陵築層臺張羅思高鸞水深日當心匪石難轉旋雖貴不慕貴輕之若雲煙雖賤不辭賤重之若冰淵

愛極翻成怨情溺轉相仇夫婦道不終無禮節其流卻缺齠大野妻饁進殺羞獻酬如賓客欣慕起道周觀人必微忽外敬知內修百行端有本舍此更何求

習慣若性成疾難破沈痼有漢桓少君聞義頓改素鮑宣
淡紛華美飾觸其怒毀妝富不驕守約窮能固提甕汲清
泉輓車著短布卽境以鍊心隨遇安常度士志雖足多婦
行良可慕

名遺珠崖令空將二義傳感人猶餘事慈孝可通天臂珠
誤入關坐法難兩全母女爭就義聞者涕漣漣吏劾不忍
決援救珠盡捐風教起閭閻此美洵當先相隱復相讓後
母尤足賢

先民詢芻蕘故能成其大管子天下才改容謝少艾齊桓
勤求士甯戚歌詭怪奉迎憂不知妾倩適逢會白水識賢
心修宮速反旆佐齊國以治賴此一夕話人無忽於微虛
已超物外

淑德伊云逝陳篇寄賞音窮通端有道常變不移心師法
班昭誠難爲女史箴內修勤自省懷古一何深

劍州道柏

絕壁過雲天宇闊盤擎兩行森戰戟行人指點不敢攀云
是桓侯手植柏經霜傲雪風骨遒綠柳紅花皆避席落落
丹崖雖自賞終造鳳樓高百尺幹旋造化天無功扶持千
載壽金石根深葉茂多庇蔭樹比甘棠猶愛惜

雨後卽事

雨歇楊林渡東郊盡把犁青溪千鷺飲紅杏一鶯曉樹色
隨帆近波光入戶低三春無限好兩岸夕陽西

華陰道中

柳拂秦關道雲山過幾重前村知不遠花外一聲鐘

途中偶成

雲霞出海最鮮明，其奈辭家萬里程。
別緒頓隨流水轉，離懷時與故山盟。
重幃定省朝朝夢，兩地懷思暮暮情。
待到杏開春雨後，好隨檣燕趁風行。

留別

攜手河梁上，滔滔水不波。
盈觴愁未解，折柳勸徒歌。
紅日離時短，青山別後多。
相思期努力，莫負夕陽過。

夔府舟中

江水滔滔去，春來景倍生。
帆從天外落，人在鏡中行。
黃鳥含煙轉，青嶂帶雨耕。
長途千里別，不盡故鄉情。

三峽觀瀑布

奇峯秀削插當面，曉起凌虛天一綫。
轟轟震谷雷乍鳴，重重

巖陡轉飛白練如煙如雪勢奔騰大珠小珠滿地濺碧潭
千尺窈而深響滴銅壺漏傳箭蛟龍不作塵不染皎潔水
光澈底見靜觀頓使道心清日暮雲封猶眷戀

巴東舟中

猿嘯兩岸夕陽催江上何人賦落梅山影漫隨煙靄去鐘
聲時雜雨風來鳥穿疊嶂陰雲合舟入重巖石壁開到此
蓬萊知不遠我今新自蜀東回

漢江舟中

荊門三峽盡萬里送行舟帆急山俱動江平水不流柳舒
桃葉渡花隱夕陽樓回首碧雲暮開尊對月浮

春日偶成

春來無事小窗前手弄瑤琴已暮天一曲未終花影上碧

欄杆外月初圓

偶成

茱萸帶露滿池開
金井梧桐點翠苔
無限雲山剛過眼
碧紗窗外燕雙來

汪韻梅字雪芬錢塘人直隸井陘知縣常熟言家駒室

河南知縣有章大名鎮總兵敦源母有梅花館詩集

單受茲曰雪芬爲左小

蓮之冢婦婦姑均能詩

詩話海虞言氏爲文學世家一門風雅淵源有自

博仲遠俱以詩名知得力於母教仲遠述其太夫人

語謂問世之作貴精不貴多故手定藁本刪存極嚴

不及十之一二而淑行清心固已略見集中試帖詩

子程作

王父雨園宮詹官京師所居西園桃花最盛王母潘

太夫人常開吟社幼侍游讌俯仰今昔追憶成詠

真珠簾子捲東風乍暝微寒二月中猶記故園當此際小
桃含雨放新紅

效義山離思並用原韻答外

聚首不知樂離懷寄短歌當君情意切使我淚痕多客久
增秋感愁深奈病何風塵辛苦甚無日穩煙波

別夜

昨日天津有報書鯉魚風起病相如非關憐婿偏忘母急
棹歸來類絕裾

臨歧難禁淚如絲不易相逢易別離君是事親儂作婦此
中甘苦有誰知

井曰

井曰親操強自持囊空如洗少人知最憐兒女同時病藥

石溫涼獨主持

慣坐愁城日似年一寒至此倩誰憐無臺避債追呼急兒女猶爭壓歲錢

望月

湘簾卷處月當天愛看清光此夕圓碧落霓裳歌宛轉玉關秋思致纏綿娟娟素面盈三五穆穆金波印大千寂寞小庭羣動息今宵爲爾更遲眠

紅豆

綺窗紅豆記相思宛轉柔腸十二時春到苔錢圓處綠箇儂心事少人知

和外

舉頭喜見嬋娟月寶鏡盈盈透蟾蜍姮娥起舞寒簧歌湧

出銀光夜飛越芳草天涯年復年晚風吹醒釀花天憑徧
闌干十二曲弄花拜月愛遲眠

題來禽仙館橐

紅牙拍處句清新絕妙詞成絕代人分得西湖靈秀氣夢
窗片玉是前身

兩女知仲媳能詩爭相倡和喜示仲媳

威姑詩筆名江左自愧無能步後塵喜爾隨肩互酬唱吟
壇薪火有傳人

和外秋日游玉峯山韻

石磴崔嵬廟宇齊憑高四望水雲低何須風雪添詩思一
抹明霞送馬蹏

題先妣鄒太夫人味蔗軒遺集

國風采歌謠不因巾幘棄閨閣多賢媛豈僅酒食議吾母
幼淑慎不爲兒嬉戲繡餘讀詩書四德悉純粹隨宦游齊
東孝友兩無愧作嬪於先公敬戒主中饋吾祖瘁文衡節
冷滇閩使家門盛科名同懷奮鵬翅威姑年正高婦職益
周至勉力奉晨昏典衣供藥餌吾父捷賢書禮闈傷十躡
皋比隆趙州名動公卿展桃李溥春風刀尺撻閨思苜蓿
盤終虛悲生展禽謚予雁序五人撫育皆親累煢煢藐諸
孤慘慘呼天淚阿干送櫬歸烽火江鄉悸補屋惟牽蘿長
安居不易婚嫁得粗完兩荆枝又萎世胄竟凋零津門寓
接糲苦節天所褒乃爲造物忌茹荼四十年蔗味痛難遂
平生真性靈景物自言志愁來付短吟信筆記時事卽此
一卷詩頗爲精神寄如見嘔心血如見貌顚顚願身世歷諸

艱十只道一二余也恐散佚敬謹爲編次萱蔭北堂摧劬
勞猶可識書成付阿咸濡翰淚痕漬

寄大兒

又看中秋月良宵別思紛若溪嗟遠嫁梁苑阻歸羣薄宦
猪肝累長郵馬足分軍咨真祭酒退食更論文

浮雲

浮雲變幻太無端豈易優游菽水歡最是幽禽飛已倦秋
風蕭索得歸難

自井陘僦寓獲鹿

十年前踏曉霜寒華首相將席未安久閱世情嘗冷嘆本
來治理尙和寬琴彈流水知音少曲譜陽春屬和難行矣
墮甌莫回顧鹿泉權作鹿門看

丁毓瑛字蘊如宜興人常熟言敦源室有喁于館詩草

寄外

木葉蕭蕭下閭階秋色催衣同寒到否半臂手親裁
霜信催砧急寒閨寄遠時料應孤客夢付與枕函知
別後情無限離懷託短歌遼西無夢到更柝惱人多
似水流光遠年華去不回笑君如燕子一歲一歸來

庚子中秋

夜靜空庭雁唳羣商聲偏送枕邊聞無家正值滄桑變有
淚難禁骨月分極目鄉雲儂陟屺驚心烽火堦從軍那堪
又到中秋節寂寞蘭閨萬緒紛

傅夢瓊字清漪貴筑人河南按察使壽彤女開州朱慶

墉室有紫荊花館詩

詩話清漪生有夙慧通文史能書畫兼長醫學尤以
工繡名適梓皋相唱和梓皋早世清漪依母家長沙
教子啟鈴讀
遂絕吟詠

寄外

家山烽火路艱辛紅豆相思夢最真
臨別贈言君記否春來莫作未歸人

夜坐

新月如鉤半未明樓頭忽聽玉簫聲
春光滿目無游處一片烽煙繞郡城

送楊劍曇先生北上

風雨瀟瀟又別離殘絨唾上柳絲絲
蓬萊七字他年約先繡天涯感舊詩

路秀貞字春波畢節人洛陽知縣璜女修文江蘇候補

道袁照藜室有吟莊館遺詩

詩話畢節路氏與余家有連世以詩傳人有專集靜菴觀察刊其母夫人吟莊館遺詩曾爲之序詩見性情可徵懿徽

白蓮

雨過暗聞香淩波試淡妝珊珊仙袂冷鷗夢伴銀塘

自汴入都細姪送至道口

欲別難言別登舟意黯然多情惟骨肉往事等雲煙豈有花常好重逢月幾圓歸家慰爾祖或恐廢餐眠

運河道中

有子方三歲相從便北征如何成遠客強半爲浮名岸曲帆隨轉波澄水漸平鄰舟聞笑語都是異鄉聲

喜雨

漠漠雲陰合，長空送雨聲。
爲霖三日願，望澤萬家情。
紅潤花光活，青浮麥浪平。
豐年眞可卜，大野慶秋成。

古劍

沈鬱豐城久，霜鋒半薜侵。
凌空騰虎氣，掛壁作龍吟。
玉匣封何古，銀花蝕已深。
一朝逢薛燭，拂拭愜雄心。

聽琴

眾籟盡岑寂，涼宵露氣清。
松風聽一闋，萬物化和平。

掃花

瞥眼春將晚，飛花滿碧苔。
倚闌呼婢掃，風過卻吹回。

胡雲琇字冰心，永康人。湖北糧道鳳丹女。香山盛文霖

聘室有冰壺館詩賸

詩話：冰心，幼字文霖。年十七，文霖歿，矢志守節。其讀國風有感云：卓哉柏舟篇，守義能自強。之死誓靡他。

大節何觥觥人各行其志萬古振綱常試觀詩三百
列女紛難詳九原如可作吾其從其美誠不愧矣
思親

望遠人千里思親字兩行休因懷弱女憔悴鬢成霜

有悼

一現曇花二九年飄然撒手判人天玉樓想少修文手召
去人間舊謫仙

懷諸弟

鵲原一別悵經年海嶠蒼茫別緒牽今夜西樓明月好幾
人聯句鬪清妍

齡文字竹友庫雅勒氏滿洲旗人口北道吉順母有絮

香吟館小草

詩話竹友爲嵩中峯協戎女中峯官衡州協延彭剛
直主家塾竹友方髫髻從受業焉歸忠善亭侍衛未

一載而寡吉順號榮帆其
嗣子也剛直爲序其詩

冬初將曉枕上感賦

初回殘夢遠鐘輕竹影搖窗月尙明寒埭雞鳴催曙色遙
天雁唳斷秋聲半生身世餘殘局百歲光陰悟曉榮聚散
悲歡知有定牢愁無那此中情

姚若蘅字芷湄號沅碧桐城人江陰永年知縣夏詒鈺
室有紅香閣詩草

詩話芷湄大母張爲雪鴻猶女畫法得自家傳天機
清妙一洗鉛華自少至老皆隨宦轍治家不改儒素
通曉治體戒子勿
爲牧令有賢母風

憩園秋興易州署中

園林雨後聚秋光花影還依月影長小沼水清蘋葉老曲
欄風暝桂枝香野雲行盡生嵐氣山鳥飛來話夕陽種秫

公田多逸興固應人境兩相忘

挹爽樓眺雪次韻

一夜虛窗朔氣吹朝來世界換琉璃樓頭頓失青山影林
下聯吟白雪詞凍雀無聲花自落寒梅有夢月應知眼前
竹石皆圖畫欲假毫端試取奇

泊渡口驛感懷

風風雨雨新霜候一點秋鐙旅思涼松菊未營陶令宅琴
書猶擁陸生裝時聞犬吠知村近漸少更聲覺夜長莫向
扁舟怨飄泊連宵兒女和詩忙

興濟鎮

大旗搖曳出疏林寒壘荒屯傍水潯卻憶承平廿年事軍
門細柳已成陰

過靜海縣

水城百堵見塵閭魚米生涯樂有餘
漸覺津沽風物近青紅兒女釣人居

何福駿字君縈靈石人直隸按察司經歷輝紳女江陰
光緒壬辰進士編修湖州知府夏孫桐室

詩話何氏山右望族君縈爲陽湖蔣伯石女甥幼孤
育於外家漸漬儒風性耽書翰歿時年未三十所遺
手鈔古籍數種皆端楷不苟存
詩無多不染閨幃纖仄之習

涿州道中

帝城行漸近馳道帶長河寺古紅門黯
山秋黃葉多客心驚落雁邊色見征駟
笑我閨中語何知燕趙歌

自題蕉窗肄書圖

綠天便擬借名菴湘管落牋俗慮戢
靜裏清陰分硯北畫

中秋色憶江南詩成題葉香猶潤墨可磨人味自諳最是
羊裙增舊感芬陀遺集護瑤函

幼從舅氏學書未能得筆
代錄著述成帙猶在篋也

秋夜寄外

涼鐙清漏隔屏山人自關心花自閒今夜長空聞雁過明
朝應有羽書還

俞繡孫字絲裳德清人樾女仁和贛州知府許祐身室
有慧福樓幸草

游天甯寺

東風吹絮暮春時客到禪扉有鶴知松樹兩行青嶂立藤
花一架紫雲垂無緣福地生歡喜但祝人間少別離歸去
也應更回首暮鐘聲裏意遲遲

許禧身字仲護仁和人祐身妹貴陽直隸總督陳夔龍

繼室有亭秋館詩詞鈔

並蒂蓮

平明信步繞芳塘
傍柳隨隄過曲廊
湖比鴛鴦還共泛
亭開荷蕊自相莊
出塵不染雙心潔
並影同看佳興長
我本愛花花對語
頻將佳兆祝禎祥

許之雯字修梅仁和人祐身女王孝亮室有綢芸館詩鈔

詩話修梅自名所居曰湘筠其外祖曲園先生語之曰湘妃淚竹非佳典也汝好書籍何不難以綢芸園改題綢芸館詩鈔附試帖詩九首皆社課所出修梅爲夫代作者曲園稱其江整之中有秀逸之氣求之館閣中亦不可多得

小園

雨過苔痕澀雲來花影迷
水平雙燕掠風暝一鶯啼
亭小

隨池曲山低共樹齊春光何處最紅杏女牆西

擬古出塞

飲馬青海頭彎弓長城北不取燕支山恐君重顏色
秦地舊山河漢家新戍卒照徹玉關寒一片閨中月
射虎李將軍斬蛟周孝侯數奇辜利器未獲月支頭
將軍猶轉戰宰相莫和親投筆男兒志羞將託婦人

詠蓼主人秋風失意書以代柬

休將得失感生平花樣更番學未成黃卷青鐙仍故物白
衣蒼狗是科名駒光有限宜同惜蝸角無多莫苦爭他日
得營三徑業肯從濁世問前程

孫鎮字慧貞玉田人道光庚子進士翰林院侍讀晉墀
女孫攸縣知縣光燮女范履福室有清風樓詩存

詩話慧貞工繪事山水學石谷
花卉得甌香館神髓詩有畫意

秋夜曲

秋鐙耿耿涼宵永玉露無聲下金井空山野鶴忽飛來踏
碎庭前松月影

高閣

高閣靄春暉幽居山四圍風梳楊柳瘦雨潤豆苗肥樹色
侵書幌江光漾釣磯地偏心自靜相賞欲忘機

葛遠字香根自號惜芳癡人湘潭人利川女同縣諸生

楊昉炎繼室有評梅閣詩詞集

詩話香根幼時父母教以詩古文解過目成誦年十
三四操翰成文輒驚長老學琴與奕摹古人書畫咸
有神悟歸楊氏後其翁治家嚴誠以他事易操作凡
烹飪澣濯紡績縫紉其姑身率有程香根從之恐後
質明而起以至於昏開卷無時
而詩詞日進蓋其天資勝也

雨後看花

一夜雨淋漓花開幾枝亞嫣然色更嬌未逐東風謝

寒食

山村初聽杜鵑聲日暝風和一鵲情寒食有詩春意足不聞天子召韓翃

家大人命詠史見志勉呈

幾人代父走征鞍遠戍邊城勝克汗一騎明駝辭火伴木蘭猶是女兒還

垂釣

林塘一曲偶憑欄試向清陰把釣竿瞥見浮筒下深碧魚游萍底不知寒

春晴

小閣簾高捲時還鵲噪晴春花爭燦爛池水最澄清燕啄
香泥暝蜂馱翠絮輕倚窗收繡譜掃几設棋枰聽野農歌
接看山畫本成分題詩未就催卷有新鶯

製椒枕寄外

孤鐙靜坐巧安排錦字回文花樣佳一握椒聊寄珍重此
中芬馥是儂懷

旅館淒涼動客愁邯鄲未到夢難休憑將一瞬黃梁熟無
事癡情歎白頭

送六咳弟之黔

年少初爲客焉知行路難黔山二千里湘水萬重瀾且聽
驪歌悄翻憐雁影單家書宜早付長鋏莫輕彈志大須鵬
展枝棲願鷺安前途殷御李名士喜瞻韓筆札從容出詩

書蘊藉看寓公防落魄游子恐孤寒堂上縫衣密閨中織
錦寬得如青眼願毋遣白頭歎戀棧猶凡馬搏空要健翰
田園未荒蕪知倦及時還

李端臨號更生烏程人承基女德清傳雲龍室有紅餘

謫室吟草

詩話端臨在室時侍父僑居敘永適有寇警謫傳城
陷遽投縋遇救復甦乃以更生自號歸懋元觀察以
實學交規匪止酬唱手爾雅一編教子女識字勤過
塾師嘗輯女藝文志小名錄懋元敘其稟云日進於
學夜寄之詩
蓋紀實也

夢歸

尺鯉東流雁北飛椿蔭風景話依依八千餘里須與到夢
裏還家也當歸

偶題

詩思水猶淺花容人更癯
蜨衣和粉曬鸚母隔簾評石篆
半紅蘚春陰滿綠蕪借閒補詩句何事喚提壺

初夏

花饒午韻鳥聲碎柳曳晴絲
蜨路迷獨倚闌干春影裏
簾紅透夕陽西

清秋

清秋明長江殘蟾窺芸窗
夢較不可極棲鴉鳴一雙起坐
有詩思宿墨飽著字苦吟羞肖蛩聲乾葉滿地

卽事

矮紙墨花凝禿鋒毫不稜勁
風颺積雪斜日墮檐冰薊北
遲歸鳥窗南擊凍蠅夜分羣
運息詩思一鐙青

且月二十九日覽玉泉山昆明湖

遠山抱城轉傍晚翠雲橫禁樹蟬爭噪垂楊鶯一鳴舊橋
經雨斷斜日就煙明呼艇前溪去荷花香亂生

讀岱山姊遺詩

於茲廿載死生離亞字闌干獨立時赤鯉不傳泉下信紅
燈忍讀舊存詩頻逢夢裏渾如昔每到花時不減思愁聽
子規聲斷續悞煙疏雨一簾垂

感懷

翻瀾不在多涓滴成江河滋蔓不在大茁芽綠高柯如何
斷不斷機見獨蹉跎

菖蒲避蚤蝨蚰蜒引可忧奇香衣恣薰損肺母乃疾如何
頓忘損而云豈無益

苔破蛾子出馱粒課時術鷓鴣微乎微營巢借枝一如何

耽食眠虛此難再日

草木有本性扶幹自然直
鯢魚有天機何處著智力如何
矯揉者門內亦粉飾

小園

櫺靜雲流綠牆高日下遲
竹籬香雨後萍沼薄涼時
花運蜂尋蕊葉搖禽上枝
眼前無此景夢裏故園窺

送外遵朝諭游歷日本美利加等國

片帆飛去海山秋
好向扶桑作壯游
七萬鵬搏眞快事
天風吹送轉星球

記覩十洲未足誇
水蒸丹更火飛車
丈夫四海平生志
莫向臨歧感鬢華

有感

日知錄言日卷二十一
繁枝刪向碧芙蓉霜幹作刺青古松黃葉半山斜日靜浮
雲偏蔽最高峯

寄外

寄書萬里祝加餐又展君書月下看一片離情倩影裏何
時同照淚痕乾

身同蠅屈住長安別後人情倍覺難靜掩重門渾似隱北
風吹雪上雕欄

紅餘

紅餘仍握管日影上簾鉤宿霧隨風散春冰逐水流軌淙
半廬墓柔艣滿滄洲此處人家少溪邊一釣舟

思親

津門月裏步籬邊彷彿當年問寢天昨夜夢回離別處子

規嘯斷一溪煙

微雨

微雨兩三點蛙鼓不能聲半篙海河水九里葦根城暑重
風仍溼月圓潮倍生柳陰到窗隙花氣滿簾旌

村居

拂牆楊柳碧絲絲已折楊枝活舊籬雙澗水閒鷗夢穩一
天風靜燕歸遲新花好借朝雲護矮竹權乘微雨移不信
村居少詩味卷中差羈熱官詩

閏月七日觀水

不繫舟如是舉家今一行橋腰野人語樹頂亂泉鳴落日
嵌汀岸歸艘沿柳城劇憐千畝地都作怒濤聲

爲夫子董理圖籍有感

鐙味難忘昔戎曹廿二年圖書千萬卷買自賣文錢
傳范淑字黎癡德清人雲龍女有小紅餘籀室吟草

小園

江南草長六朝地薊北春寒二月天花睡紅猶雲影護柳
遲青未雨絲牽沁脾新汲烹茶水買醉不拋沽酒錢裁報
東風生淺渚小園爭擘衍波箋

春日行

海棠漬露楊搓煙何似霜葉紅秋邊倉庚紫乙花中天囑
嗽聲來圓復圓如歌互答如管絃妙手偶得詩自然

憶覽昆明湖

回首玉泉下白蓮十里花扁舟載落日欹柳鑲流霞斷續
蟬聲噪參差鷺影斜隄邊諸釣叟豔說駐龍車

夏涼

干柳萬柳風絲柔五月六月荷塘秋雷聲僻地醒睡鹿月
影一天涼眠鷗池蛙夜靜鼓吹起十二欄干花雨收

秋

客裏秋光又一年拈題分韻坐鐙前風敲霜葉漏初永月
上窗紗夜未眠罵鬼詩成刪草藁驚人句欲寫花箋誰家
砧杵驚寒起況是南樓雁過天

曉起

絲絲綠柳綰朝煙燕子銜泥去復還花外白雲呼不起日
高猶抱石根眠

金芳荃字畹雲秀水人平湖候選知縣陳景邁室有綯
秋閣詩集

敬呈厚齋伯父

鳳池舊蹟劇堪憐零落朱門鎖晚煙靜夜挑鐙論家世秋

風淚灑斷腸篇

時示椒園先伯祖秋試殊卷

玉樹摧殘感易生

良卿從兄於王子夏去世

倦游湖海掩柴荆遺珠不

遇猶堪慰定許龍頭屬老成

鐙下老母述舊事

雲黯蒼梧日淒涼忍細論慈烏憐弱羽小草託孤根頻寄
鴛鴦迹難招杜宇魂茹荼甘餘載腸斷未酬恩

劉韻字繡琴一字贈梅南豐人奉化知縣國觀女鄞縣

黃家鼎室有紅雨樓詩鈔

詩話繡琴涉獵書史好玉姬佳列女傳補注有勘誤拾遺之志以疾中輟詩喜玉谿香山詞嗜白石嘗以精楷手鈔書學松雪歿後永康胡月樵觀察鳳洲銘其墓

書福山王婉全夫人列女傳注後

更生西漢儒學行冠羣彥立朝遇閭主宮寢恣荒宴戒昧
司晨雞謠起涎尾燕憂深託諷諭表進列女傳精勝匡衡
疏譎異谷永諫七篇舉其綱百人萃厥選王政首母儀陰
教繫治典其次及賢明家國佐安奠仁智德乃尊貞順性
斯善處變重節義遴才取通辯有勸必有懲孽嬖居其殿
德音慕肅雍容飾薄盼倩上自輦翟貴下逮荆布賤眾媿
既畢陳四德亦備見輦鑑昭千秋搜討信云徧誰歟續補
輯兩京厠名媛向原書七篇凡百五傳列百十一人後人
人三後縱增彤管輝未免時代舛昔聞大家注訓故藉排
時人五漢曹大家注人佚隋志有趙母高氏唐志
纂有纂有綦母邃文選注有虞貞節注今俱不傳又聞長康圖
丹青妙獨擅恨生千載下古本失流轉見漢書注宋呂縉

叔蘇子容猶及見江南民家所藏殘本迨明胡文煥黃省曾本朝顧之達刊列女傳校鑿雖精均無圖注惟阮文達文選樓叢書有晉顧愷之繪圖列女傳先願而圖列女者尚有荀勗衛協兩家亦無傳本東海有女宗觀書目如電徵詩訂三家注中引魯齊韓三家詩考證異同最為精審集解編

八卷殘文補闕歸奧義暢推行同時得梁氏錢塘汪遠孫室梁夫人端

著有校注入振綺羅文獻振綺汪氏堂名箋釋足並行漢學留一

綫披函日循誦淑範生敬羨頗思繪屏風遺像識真面聊

代鑄金事朝夕薰香薦遠愧孫夫人列傳繫序讚三復中

壘書述古發長歎舊唐書經籍志列女傳序讚一卷孫夫人譔

侍姑馮夫人游石鼓山

佐餽得餘閒游山覓幽賞晨興奉板輿意在怡色養出郊

二十里境漸異塵埃奇峯迎面來松篠密如幌穹窿大石

鼓擘自巨靈掌鳥道盤一綫螺屏列萬丈輿夫作蛇行婉

蜿蜒林莽古剎峙山椒結構極閎敞衣鉢五代遺榱桷普
陀仿登攀巔峯白雲任俯仰巖洞探靈源仙蹤殊懔恍
翼然水雲亭愚齋署詩榜寺門湧泉出有池數弓廣久旱
從不枯佛法現龍象寺左喝水巖壁鑿大士像活活龍頭
泉激輪鐘自響石瞰達摩洞幽僻莫可狀面壁悟禪機眼
底頓明朗縱無換骨丹頗萌出塵想慈姑困步履扶掖代
藜杖不愁暝色催願覩白毫放停車爲少留歸路月已上
陪王霽齋夫人登釣龍臺

魚鯨攬勝得追從遙指高臺是釣龍出海煙嵐迷樹色摩
厓碑碣剔苔封久銷霸業沈枯井平挹秋光接遠峯眼力
盡時轉空闊待看健筆寫雲松

夫人善畫

暮秋病起

年來多病少歡愉
離得繩牀若夢蘇
理鬢漫將塵鏡拂
添香猶倩小鬟扶
懶收紅葉題銀管
愛折黃花插玉壺
惆悵寒窗風雨夜
書幃照影一鎗孤

秋光黯淡透虛櫺
石鼎香飄藥火青
聽雨夢回驚蟋蟀
臨風身怯顫蜻蜓
久疏井臼慚梁案
苦憶鄉園隔謝庭
且對高堂說強健
親攜菊酒慰衰齡

寄外子海上

護闌日日盼歸槎
臘鼓聲中未到家
曾約秋窗評菊譜
翻勞煙驛翦梅花

將隨外子南游留別紅雨樓

細桃壓檻綠陰稠
妝鏡安排是此樓
琴簟將移花似泣
珠櫳欲卸鳥知愁
鑿楹萬卷留紗護
黏壁千篇啟篋收

外子册

友贈答之什黏
壁間號爲詩城默祝慈姑春不老年年海屋數添籌

上海城隍廟有園一區花木蒼翳流水縈帶頗饒幽

趣俗名小西湖秋日與外子過此作詩紀之

小西湖湖水清淪漣一勺分仙瀛有亭翼然如建瓴文闌
百摺環螺屏疏葭斷蓼映秋色此中可尋鷗鷺盟小靈臺
山石疊奇礪竦削苔翠積騰空恍挾怒猊舞卧雲似作蟠
龍蟄剔透玲瓏無傍依此中疑有神仙窟我來海國游秋
光滿林圃樹頭嘒蟬靜池面喁魚聚霜楓落葉任低昂籬
菊延芳作賓主宛延山下徑回環湖上隄登臨旣乘興吟
眺幾忘疲小橋長廊緩緩步行盡湖隄覓山路山顛風景
無限好一覽吳淞雲樹渺歸來好趁夕陽時山淥湖光黯
相照

送外子于役秦中

壯矣此行役橫腰佩太阿探奇歷西嶽陟險渡黃河風雪
關前重豺羆塞外多歸期宜早決堂上鬢雙皤

攜忠兒歸甬上別外子

自睽慈姑側五歷暑與寒宦轍隨閩嶠攀陟恆苦艱瞻念
姑恩重昕夕愁眉攢縱有淑賢娣耿耿心未安君也爲貧
仕還里良亦難顯揚志猶沮待時振羽翰吾病亟思歸且
得共餽餐有子甫八齡可博含飴歡中饋付姬媵傳舍影
不單功業君自勉井臼吾當殫偕隱俟異日臨別增辛酸

白雲寺

寂寞白雲寺當門好鳥鳴日高山霧薄風定樹煙橫巖底
聞人語牆頭落澗聲飛仙渺難卽何處學長生

樓居卽事

開軒俯瞰盡桃花映帶衣裾燦曉霞
雨後收花待春雪爲兒醺面作妍華

程淑字繡橋休甯人有繡橋詩存

秋聲

風露淒清那得眠自攜團扇立階前
聲來小閣疏香外秋在重簾淺夢邊
斑竹低吹梧苑月碧紗涼語茜窗煙
明河耿耿天將曙幾點螢飛思悄然

漫興

吟情游興向誰論到處登臨酒一樽
漠漠青山雲外塔蕭蕭黃葉雨中村
涼秋似水尋無迹好夢成煙散有痕
底事清愁忽根觸數聲唳鳥又黃昏

送姪女之鴛湖

嘔啞柔櫓劃波輕
水驛江村路幾程
木落寒山秋色遠
雲開斷塔夕陽明
寄書恐阻天邊雁
折柳愁聽笛裏聲
此去勝游應記得
一樓煙雨暗重城

待繡玉姊不至

聞說雲旂降先期
掃敝廬足音偏寂爾
目望竟勞余天末
鴻飛渺檐前鵲噪
虛閒庭明月夜
竚立尙躊躇

徐熙珍海甯人有華蕊樓遺槩

晚眺

倦鳥飛還日已斜
殘霞綺麗映窗紗
停鍼無事舉簾坐
閒看游魚唼水花

遠眺

浮圖高處望依稀海闊天空興欲飛
萬頃稻田桑柘外遙山遙水接煙霏

題吟紅閣詩鈔

淚灑優曇一現來吟紅夜闌開卷幾低徊
愧他裙屐諸年少誰似西泠詠絮才

歸自鴻印軒

春暮池塘夕照時峯環路轉步遲遲
綠油晴瀉三篙水紅杏香凝萬斛脂
趁暝燕泥黏柳絮憐芳蛛網罩花枝
興闌歸去籃輿速刻燭聯吟七字詩

感懷

平安淡泊足娛情學問還從閱歷生
暗卜魚仙參仰覆共猜瓜戰判輸贏
當車量力螳撐臂未雨知機蟻罷兵
欲步

性靈詩不易摹唐仿宋兩無成

鄭業焯字淑荃長沙人安化華容訓導陶煌室有雲璈

閣詩藁

初冬晚眺

黯黯荒郊欲暮時朔風搖颺酒家旗數聲村犬吠行客幾
處歸鴉爭晚枝樓小先迎新月上林高獨下夕陽遲霜餘
木落羣峯出松柏凌寒獨未知

思親不寐口占一絕

思親眠不得起坐夜三更月照一庭白慈烏故故鳴

易縻字南蘋湘鄉人山西岢嵐知州吳光熊室有景惠

室詩存

山居遣興

露境何如靜境棲長吟人坐小窗西地偏時有聞車馬客
至猶能具黍雞四面松疏蟾送影半溝水淺燕銜泥誰知
領取幽居趣合許詩壇細品題

哭二弟信臣華臣

吾家近事不堪聞雁序傷心兩失羣白髮孤鐙悲寸草青
楓落日哭雙墳萱花冷淡憐親老菽水艱辛賴子勤識破
彭殤同一例拭乾淚眼看龍文

夢中得四絕句醒後祇記其一

庭花倚月落無聲澹澹秋雲夜氣清一點詩心無管束隨
風化作萬松鳴

寄嵐州署

山爲屏嶂石爲臺活水都從雲際來萬壑松濤清夏雨二

簾嵐氣暗春雷寒鴉古樹圍官舍澹月中庭老鶴胎車馬
不喧城郭靜天教吏隱占蓬萊

次夫子罷歸原韻

大好怡情地天然小隱居山圍陶令宅樹擁子雲廬薄醉
孫扶杖論交友寄書歸來梅鶴吏相守復何如

包蘭瑛字者香一字佩蔡丹徒人如皋朱兆蓉室有錦

霞閣詩集

詩話者香登覽詠古讀史諸篇俞曲園稱其精思約
旨風格不凡其尤警拔者則枕肱脍炙經史揮斥百家或
老師宿儒終身有未解而釵笄人得之洵爲奇觀者
香自序謂從父宦浙每覽山色湖光覺蘇白之詩宛
然在目性靈所託篇什日增又四載遷處州之厦河
途中過台宕二山愛其天然奇秀呼侍女安筆硯有
停帆望香爐之興于歸後芙鏡宦楚北相將過鸚鵡
洲步黃鶴樓樊山諸峯霏煙繚霞下至退谷杯湖悉
從登眺益得以擴所未見失怙後母氏奉大母還常
州歲必兩省之訪坡仙之壘睇陸羽之亭滄茗探幽

拈毫題壁以是詩名走江浙郵筒往來無虛日又謂
初以長兄下世擢堂上寡歡繞膝承顏而詩思疏後
出室事姑又以姑晚年多病稱藥量水而詩思
再疏皆甘苦親嘗之語所謂得失寸心知也

讀放翁集

秋鐙耿遙夜下簾聽疏雨一卷放翁集古秀照眉宇平易
似香山忠愛匹老杜石湖帥兩川先生居幕府雪中草軍
書下筆龍蛇舞寶雞達長安旦暮可立取奈何小朝廷甘
作湖山主坐令龜堂詩苦語泣肺腑晚境封渭南渭南渺
何處九州幾時同寸心千載許餘情狎花草亦與離騷伍
大雅逝不作遺編亙今古久讀忘睡眠遠寺動殘鼓

納涼

夜涼揮塵談風月清興真教俗慮刪銀漢不流星斗轉一
天秋思滿人間

登狼山支雲塔

支雲高塔走嶙峋肯爲裙釵渺此身但覺天光俯銀海不
知人世有紅塵二分垂足疑仙境萬事捫胸仗佛因笑語
同來諸女伴此行奇絕勝鸞輪

詠史

千古牛衣肯死忠直臣折檻亦奇功諸儒杜谷真無賴諫
表區區說後宮

此公佞佛久無靈妖夢迷茫死未醒誰爲練兒編本紀年
年祇載老人星

蚪髯十萬擁戈船一見龍顏意惘然海外眞王君莫笑勝
他褒鄂上淩煙

衣白披裘總出塵一眈泉石一經綸官家同學知何限千

古流傳祇兩人

老泉潦倒布衣終方叔臺卿感遇同卻怪季奴署函面一枝鐵稍便稱公

一幅流民鄭俠摹方田保甲罷追呼詎知護法沙門在又進朝端莫助圖

江河萬古盛文章厯聖相承寶籙長我愛金家小堯舜不燒書籍學秦皇

廷杖初收譴詔來國家元氣久推頽不須苦說茄花酷聰夢當年是禍胎

夕照

參差茅屋晚煙微麥隴風清乳燕飛夕照郵亭漁唱遠綠楊橋畔一僧歸

世明集卷一百一十二
送詠春弟賡僖之皖江

親老不謀學將如仕進何趨時新法捷得路故交多紅葉
數行雁黃山幾點螺瞻雲知不遠暇日眺松蘿

秋意

慘澹詩人筆秋清詩益清月扶花影起風定竹陰生礎杵
誰家怨關山萬里情梧桐疏葉落河漢寂無聲

除夕寄外

光陰同是異鄉過兩地懷人意若何萬里音書中道阻一
年情緒此宵多梅侵臘雪香猶斂詩得春風韻更和守歲
不妨吟到曉錦箋椒頌共誰哦

侍大母小飲作

春日暝桑榆重闌晉一觚鶯鍼閒處握鳩杖醉時扶梨棗

孫牽袂盤餐母戒廚花前敘家慶此樂卽蓬壺

毘陵游天甯寺舟中偶成

溪添新漲碧流青春泛蘭橈趁晚晴日薄片帆移淡影雨
餘修竹滴殘聲林邊寺近紅牆露天際雲連白塔橫梵閣
疏鐘傳逸韻柳鶯猶對夕陽鳴

渡江

長空雨過彩虹明艤艖迎潮自在行煙樹數峯團畫棹風
颭十幅破雲程沙邊鷗鷺盟秋水江底魚龍睡晚晴且喜
舟輕人意健開窗時復對楸枰

望焦山

昨爲金山游巖壑稱奇徧雖然足壯觀終嫌金碧炫意欲
陟焦山幽秀覲層巘無奈波瀾險驚濤駛如箭今晨渡江

歸舟發心仍戀放眼眺佳處遙青如匹練頗似香鑪峯停
帆幾回見坡公薄江潭船舫風雲變我獨撾回帆奇境慳
一面準擬今宵夢籃輿入蔥蒨

睡起得句

楊柳陰陰日未西落花如雨濺春泥春風一枕瀟湘夢時
有流鶯窗外曉

昨日微薰今日寒銅蠡漏靜篆煙殘隔花鸚鵡聲聲喚料
峭東風莫倚欄

辛丑遷居杭城珍珠巷留題舊宅小米峯

峯巒小米巷眞珠同此杭州宅一區機杼仝分鮫客慧煙
雲猶憶虎兒圖敢偕白傅誇新第未免青山戀故吾惜別
不須深感慨總相宜處是西湖

喜外書至

風塵慣適旅懷寬
去住知君隨遇安
臨鏡讀來花共笑
背燈展處月同看

移竹

園地三弓餘梅柳栽無數
有竹二百竿梗塞清風路
呼僮移植小池東
祇要成行不要叢
筆端疏散氣乃古
此竹亦與文心同
果然解籜春雷快
新綠森森換世界
君子從來挺拔姿
看渠玉立青天外

自題錦霞閣

落落幽人志雲霞
自卷舒敢云眞福地
到此卽仙居
商定名山業
珍藏異代書
玉臺今韻事
慚愧女相如

題京江鮑氏三女史詩合彙

璇閨三秀冠當時賦茗才華並擅奇韻洽熏篴成合璧光
輝花萼綴連枝清娛樓閣開詩境綠飲山堂醉酒后更有
煙波同泛樂雁行鷗侶總相宜鮑海門徵君三女長之蘭
次之蕙三之芬皆以詩名
之蕙適張阿齋司馬有煙波
共泛圖一時名流題詠殆徧

錢淑生甯鄉人光琢女巴東知縣渠妹湘陰李祖芳室

有桂室吟

詩話淑生歸李氏三載夫逝子塲佐姑治家政左傳
右華條理秩然夫字桂生以署其詩存詩百數十首
班昭女誡
箋注一卷

自湘陰歸省

初四發湘陰初五泊新康初六到長沙初七下西鄉百數
十里間行李殊周章逶迤入家門再拜上北堂老父出慰
勞老母問家常弱妹供盥洗嫂氏備茶漿弟姪各欣喜喧

笑繞匡牀餅餌堆盤匱棗栗盈筐屋後楓葉丹階前菊
花黃至哉天倫樂慰我長相望所嗟時地異撫已暗悲傷
昔時千金子今成人未亡不敢自流露恐傷老人腸黽勉
膝下歡鳩杖雙扶將幸此春日暉椿萱正康強相從北堂
下載奉稱壽觴

悲懷

蒼蒼巖際松青青嶺頭柏青蒼互相映不爲歲寒厄哀哉
泉下人此間卜幽宅人生野馬浮光陰過駒隙一杯酌荒
蕪祝君且安適毋爲兒女悲毋任狐狸迫相從會有時遺
君寸心赤

夢感

昨晚夢亡夫飄飄步煙霧握手不得語淒然忽驚寤膝下

鮮兒女祭掃闕供具哀哉未亡人欲往無由赴且復遣僮
僮奠汝荒邱墓

三兄歸自新疆過湘感賦

人生苦遠離況復經歲年悠悠日復日時事多變遷自從
阿兄出親戚俱完全前年妹夫死幼子旋棄捐嗣後祖翁
姑高年不復延未幾二伯翁復表隴岡阡我家伯父死長
兄自隴還二嫂忽遽逝家書言慘然今年三伯母又復歸
黃泉老父悲親戚小病長糾纏老母稍曠釋右臂病未痊
歸省此其時高堂望已穿勿復滯歸期勉撐湘上船再拜
北堂人四女未寄箋爲言人世事修短自有天悲弔苦無
益且自寬食眠飛鴻儻有便遺我書一篇

堂上

堂上奉盤匱堂下執箕帚且復手紡績且復躬井臼婦職有當然非以悅人口所嗟命不猶齊眉失白首念彼泉下人身死骨未朽惻惻摧心肝孤鐙十年久

歸舍

柴門故依然老槐覆溪水亂石砌作隄苔蘚成紋理經年不歸來歸覺心可喜入門見閒花枝葉相依倚翩翩梁上燕呢喃初引子好景在故園非關自誇美怡怡菽水歡敬慎將杖履

回湘陰曉發輿中口占

東嶺延朝暉西峯挂殘月牧牛亦已出鳴雞猶未歇淒清重淒清此心獨兀兀回首望門閭迢迢隔林樾

歸燕曲

玉露零零金風冷梁燕歸飛已無影回首烏衣春夢長傷
懷紅縷秋心警今年已過又明年啄草銜泥亦可憐誰識
樓中建封婦死心還在落花前

慈烏曲

慈烏啞啞枝上唳乳烏拍拍高復低乳烏飛起慈烏喜乳
烏墮地慈烏止烏飛烏止各有心團團且繞棲巢林一烏
遠出銜蟲豸一烏守巢護烏子何時乳烏毛羽成反哺酬
恩見物情人生撫兒亦如此撫兒望兒良有以哀哀惟我
獨虛生累親無計徒吞聲感此慈烏坐無語心酸骨折淚
如雨

階下梧桐忽然半枯感而有作

百尺高何用枯枝不識春汝爲半死樹我亦未亡人無復

階前蔭惟堪爨下薪南華齊物我相對獨傷神

江天晚眺

澤國蒼茫裏風平水不波江空來雁少山遠夕陽多漁艇
數行集征帆幾陣過白雲親舍在歸信待如何

和三兄游桃花靈雲寺元韻

數聲鐘動下遙岑知是桃花古寺林溪水消餘半篙淺春
雲濃起一峯深茶烹雀舌留新味樹擁龍鱗接晚陰爲問
游人詩思好清吟可有出塵心

夜坐

雨細愁難洗風寒夜未眠坐聽更數轉燒燼博山煙

憶母

頻將思母淚早暮灑湘陰極目江天遠白雲何處深

卽景

東風猶自作春寒日暮何人翠袖單
一樹梅花數行竹清吟能得幾憑欄

曉起

一半山嵐一半煙曉星寥落破霜天
忽聞古寺晨鐘發回首西山月尙圓

周桂清字穉嫻歙縣人芳三女合肥諸生闕濬鼎繼室
有縹緲館稟

詩話穉嫻生長吳門誦詩習禮于歸後以賢孝稱同
治辛未侍君舅仲韓大令寓滬與小姑壽坤同作詩
詞听夕靡已一夜夢登高閣天驟雨陰晦遙見龍挂
自覺心悸儵忽齊爽神觀超澈因得句云龍去天波
靜雲開畫閣明醒而志之歿於宜
昌年五十八子鐸秉母教有才名

與姚氏三妹談吳門名勝口號紀游

綠水橋西泊畫船垂楊倒影入淪漣人人都上生公石幾

輩曾參不語禪

虎邱

古檜清奇鄧尉尋石樓探徧早梅林還元閣下湖如鏡洗

滌塵凡一片心

光福

清鐘夜半寒山寺不到楓橋估客船安得檀施金布地精

藍重覩大康年

楓橋

靈巖山色香谿水日日橫塘渡口迎若向震湖重把棹莫

釐峯下一帆輕

橫塘

朝天萬笏山容古一綫攀登飲鉢孟似燕身材與婦喜每

因肥瘠哭嘔殊

支硎

維舟昧爽等花開花氣因風四面來誰謂無聲方入畫親

聞甲坼隱春雷

荷花蕩

行春橋外秋光滿
港汊菱窠信手牽
搖舫不知燈火上
城中又見月華圓

石湖

光緒乙亥鐸兒始生時寓盤門開窗正對瑞光寺塔
詩以助之

浮圖湧現如文筆
界破青天任爾書
屋外高林通古寺
座中修竹認吾廬
清池日滌端谿硯
視陋巷時來長者
車姑藉之無正蒙
養鯉庭方盛祖庭
餘

闕壽坤字德嫻合肥人奉賢知縣鳳樓女同縣諸生方
承霖室有紅韻閣遺藁

詩話德嫻工筆札而性矜慎不輕以楮墨示人初學
詩有剪破紅綃趁晚霞及簾開燕蹴花句皆有思致

虎邱

劍池風冷石陂陀
斷塔荒涼一再過
聞道開元全盛日
夕

陽簫鼓畫橈多

馮曉字我素祥符人甘肅典史炳樞女蒙自光緒己丑
進士新疆阿克蘇道楊增新室有吟蘭軒詩草

關山月

關山月關山月山月高高漏未歇城頭一夜戍角鳴大帥
平明大纛行寒沙萬里曉光白斥堠千山烽火青昨從都
尉下三山復逐輕車出漢關三邊積雪埋頭白五夜胡風
徹甲寒月色營前凝望久重窺記自蔥嶺首多情不捨出
塞騎猶爲離人照刁斗關山月願分一半清皎光爲照聞
中望月常如此塞上征人行未已醒時惆悵月照席夢裏
空迷塞煙紫

寄大兄

離懷渺渺一緘書寄向春風且任渠何限洮河東去水此
中無處著雙魚

春日雜詠寄夫子

宵柝聲聲夜未央博山紅燼玉煙涼麝煤蘭篆休重炷不
是君來便不芳

銀燭斜臨倦眼明坐來轉覺不勝情忽然憶著相思句正

是銷魂第一程

夫子行次甯河題詩見寄

吟懷無那覺腸乾爲乞松蘿助灑翰扶得幾分詩力起好
將新句寄君看

相思只隔兩三程寫盡吳箋寄不成卻憶小窗前夕雨爲
儂攪夢到金城

茹水西來風物新韶華著意餞離人離人今在千山外寄

語河邊柳春

茹水在鎮原城南繞城多柳

張仲肅華陽人劉明曦室有張仲肅女士詩存

晚泊峽中

泊舟臨絕壁倚柁一閒顏山勢趨三楚江聲走百蠻凍雲生峽口倦鳥沒林間孤艇寒風逼巉巖未可攀

汪清字湘卿東臺人訓導永鋌女同縣光緒庚寅進士編修夏寅官室有求福居詩鈔

詩話湘卿嘗輯國朝列女徵略十六卷目錄一卷國朝孝子徵略十卷恆言女子既不能建立功業惟著書立說有關於世道人心或不與草木同腐聞者敬之王夢洲太史題其詩藁云湘屏六曲譜瑤琴絕代嫵媚絕代心故里瓊花天上種新詞柳絮雪中吟同聲鸞鳳都諧律妙繡鴛鴦別有鍼回首紗籠題壁句江亭山色

寄懷雲珠五姊

明倫彙編 家範典 卷一百一十二
三
薰風別後又飛霜一度思量一斷腸只道相逢秋月白那
堪空對菊花黃縱多兒女添新愛何似茱萸插故鄉況復
高堂思念甚倚門終日盼歸航

寄懷許玉清

尺素裁成倩雁馳聊將心事報君知家無長物愁難遣病
爲癡情悔已遲偶借新詩消俗慮自憐瘦骨異當時蘭閨
珍重休惆悵好寄平安慰所思

許月芝字玉清善化人江都王存繼室

寄和汪湘卿

猶記臨行曾語我教將近況報君知藥壚爲伴還如昔書
卷相親未覺遲已分微軀終似此那堪病骨更難支深情
獨有閨房秀驛使梅花屢寄詩

俞慶曾字吉初號琴情德清人上元光緒戊子舉人宗

舜年繼室有繡墨軒遺藁

詩話琴情爲曲園女孫初學作詩有句云冰輪欲上還留戀斜倚雕闌聽雁聲月夜和祖詩有不羨三春萬紫紅句曲園嘉以詩云月下題紅字兒曹小有才喜弄琴兼工倚聲歸宗氏往溫州作家書輒淚痕沾溼易紙更書沒後其弟階青太史哭以詩云三日前頭貽數字幽蘭曉露幾曾乾

春日偶成

紫燕銜泥報早晴黃鶯出谷囀新聲春風乍拂長隄柳吹到花前分外輕

待月

碧漢迢迢夜氣清疏星幾點映窗明冰輪欲上還留戀閒倚雕闌聽雁聲

過舊居有感

見時記得此曾棲故跡重游路已迷拾翠階前煙漠漠尋芳亭畔草萋萋空庭燕去巢猶在小院人歸鳥自哢追憶十年渾似夢不堪再問舊芸闥

山居

把卷松陰鎮日眠渾忘三月落花天子規夜半哢明月細雨清晨潤綠田滌硯偶尋山曲澗烹茶每乞寺僧泉心如止水原耽靜不問人間擾擾緣

清明日湖上書

穉柳穠桃我亦憐新茶採得煮新泉扁舟更愛春葦美寒食儂家不禁煙

踏青偶過小橋西繞樹雛鶯恰恰哢獨坐斜陽看歸鳥不隨畫舫到前溪

山行

閒步橫橋載酒行
垂楊葉底暗聞鶯
溪邊小艇人爭渡
樹杪斜陽鵲噪晴
迎客野猿頻獻果
催耕山鳥不知名
晚鐘何處隨風落
我亦思歸踏落英

卽事

乍寒乍暖熟梅天
自檢新茶煮惠泉
棋爲息機甘袖手
琴因識趣不張絃
閒階雨過蝸涎積
深院風來燕影聯
靜坐芸窗無所事
唐詩細誦綠陰前

閒坐和階青弟

燭翦紅紗幙
茶烹碧玉甌
柳疏寒月漏
雨霽溼雲留
遙憶三春日
曾同一葉舟
年華驚逝水
忽忽已新秋

歲暮書懷和弟韻

漸次東風長綠苔已看葭管動飛灰慢驚鄧禹封侯歲不
羨相如作賦才安卧一邱餘老屋待開三徑種寒梅芸窗
豈有窮能送柏葉聊傾酒一杯

題階弟小竹里館詩後

慢向西窗感鬢絲墨花開到謝家池羨君生有空靈筆湖
海風濤腕底詩

輪曉三度走燕南遮莫驪珠領下探壁有龍泉猶待價夜
深風雨嘯江潭

因風柳絮愧虛名青草池塘夢裏生鶴靜琴寒詩一卷稱
他修竹月三更

夜坐憶家偕子戴作并索階弟和

簾外西風透綺寮背燈擁髻坐寒宵兒時滋味從頭記別

後情懷借酒燒茗椀熏鑪同寂寞瑤琴寶瑟懶句挑朝朝
一紙平安信分付胥江早晚潮

寄弟於衡陽

紅樹青山放棹行瀟湘雁影伴長征慈親頻爲舉帷望怕
有西風阻客程

敬步祖父大人原韻

浪說天涯若比鄰花前負卻豔陽辰心因望遠情何極身
未能歸夢轉頻桃萼紅時鶯出谷杜鵑開處雁辭賓蘭闥
舊日芸窗下手種朱櫻可放春

寄子戴京邑

當時曾踏輓紅塵茅店荒雞送客輪錦瑟年華東逝水銀
缸風雨苦吟身天涯楊柳初勻碧江畔蘼蕪已換春不說

附錄卷一百九十一
三
相思深幾許平安聊慰遠遊人

閒步

亭亭落日晚煙收指點遙山翠靄浮千里甌江波浪闊亂雲何處認蘇州

詠老榕樹

落葉辭柯下碧池春風噓植占當時他生縱有靈根在莫作人間連理枝

聞雁

風清月瘦露華白但聞寒蟲颯切切徙倚紅樓看暮雲鴻聲嘹唳來天末影落瀟湘杜若洲天涯何處稻粱謀玉門秋色羈臣感歸夢刀環少婦愁銀屏燭暗憑闌立鑪鴨香銷蓮漏咽一聲叫破萬家秋河漢無波人寂寂伊人消息

遠長安迢遞關山路渺漫無語舉頭天際望暗將離思寄
霜翰

寄弟

風前帆影夢歸艘天末還憐雁字雙自翦秋鐙無一語愁
雲如夢鎖寒窗

書示抱珠妹

當時情味了無痕此後思量總斷魂畫盡寒灰書恨字種
來湘竹是愁根那知身世安排錯如此華年豈忍論撲面
西風禁不得殘陽影裏閉閒門

俞琰字佩珣德清人光緒戊戌進士翰林院編修陞雲
次女仁和壬寅舉人軍機處章京許寶衡繼室有漢
硯唐琴室遺詩

詩話佩珣爲曲園曾女孫幼善韻語尤工
倚聲歸許氏後寢疾十餘年遂廢吟詠

消寒分詠

片石訪嚴陵江雲路幾層冰花寒可拾殘柳貫難勝雪浪

催今古滄波閱廢興荒臺遺迹在風雨共誰登寒釣

風遞數聲長征人淒斷腸無功羈絕域有夢隔殊鄉白髮

人千里黃沙雁幾行客愁消不得錦字盼流黃寒筵

凍斷梨雲路閒庭仁雪天風櫺光閃燭簫局暝假煙湘女

凌波佇嫦娥抱月眠羅浮如可到梅折數枝妍寒衾

乙巳臘月二十九日爲先慈四旬仙誕敬焚一詩

風雪逼歲除稱觴又今日泉壤去不返十載夢魂隔隨侍

安可期顧復悲疇昔常聞兒初生每擬堪巾櫛設帨非懸

弧頗覺期望失鬱懷誰爲寬勞瘁易致疾晨夕已減餐提

攜仍懇切最小偏垂憐寢食依親側長往遺孤兒雛髮猶
覆額豈識罔極恩但苦音容沒千行赤子淚何補春暉德
一樽長晚奠芳草墓門碧

柳枝詞

處士高風戀五株清溪吾亦愛吾廬苔磯輒覆漁人釣貫
得江魚上市初

宮樣眉痕占早春傷心南內更無人靈和最是新栽種只
解風流不解顰

湖山風雨繫歸心新綠簾櫳畫閣陰此日蘇隄重倚櫂酒
痕未抵別愁深

春色平分百卉先黏天又見絮飛煙憑誰畫出娉婷影數
筆晴江夕照邊

落葉

楚江波冷下紛紛消息元機靜裏聞此日霜華隨逝水當
時風概想凌雲行吟楚客憐孤躅話舊胡僧弔夕曛極目
郊原渺如許天涯能不悵離羣

千林一夕換空枝天意分明未有私淡日無聊還照影石
闌何處更題詩步兵歧路悲身世永叔秋鐙感鬢絲脰有
後凋數竿竹青青長伴歲寒時

雜遝渾疑萬騎催夜寒齊捲朔風來黃榆影落長城暗紫
塞聲和畫角哀懷國易添蘇武感無家莫上李陵臺生原
大地闌珊質甘作乾坤廢棄才

一轉商音萬象乖寓形身世費安排蕭條枯管蘭成賦潦
倒生涯杜老懷煙雨幾回三月暮文章終古一邱埋楓林

薄晚停車處莽蒼重陰接斷崖

戲題落葉詩後

策策西風警暮鴉自傾殘墨寫輕紗不辭憔悴如郊島吟
瘦寒鐙一穗花

筆牀啟處硯田蕪餘韻寒猶逼綺羅莫負因君三復詠爲
儂好補屋牽蘿

成堃布庫魯氏字玉卿蒙古旗人廣西潯州知府固魯
鏗女諸生守典室有雪香吟館詩草

留別舜華二姊

生小離家國天涯十六春明朝挂帆去又是異鄉人

秋夜

西風催木落何處不秋聲我是無愁者閒階愛月明

古意

新月明如鏡鏡復如明月願作明鏡圓莫作月常闕
任麗金字璇池高密人鴻臚寺卿兆堅女莒縣諸生莊
疇室有得月樓詩

夏夜露坐

偶傍疏籬坐羅襟怯露滋時將團扇隔不許月明知

月夜聞雁

獨坐南窗下初晴月倍明雲中新雁唳卻作故鄉聲

題家書後

一別雙親半載餘平安只接數行書離懷欲向花箋寫寫
到相思字卻無

記夢

夢繞雙親膝牽衣話正長雞聲驚覺後依舊在他鄉

莊湘澤字素筠莒縣人諸生疇女安邱諸生趙錄彝室
有簾聲閣詩詞集

感懷

憔悴已如此何堪叢百憂對愁猶有影多病不宜秋骨月
他鄉夢年華逝水流詩書且自遣世法等浮漚
淡月濛濛夜黃昏獨坐時鐙殘聞玉漏煙斷冷金猊生死
豈能隔夢魂無見期秋來搖落意不復理琴絲

秋夜

獨立空階淨秋光和月微蓮房驚鷺夢竹徑亂螢輝俯仰
百端集思量萬事非夜深渾不寐冷露欲沾衣
獨向東籬下瀟然酒一尊日沈暗蕉影風靜妥花魂久客

漸成故舊書還復溫徘徊未歸去新月又黃昏

雨夜讀杜詩感作

淒淒風雨夜閒讀少陵詩展卷思今古聞笳感亂離平居多寄慨世事有同悲何日煙塵息天心若未知

秋日寄妹

極目明湖景物非天涯有客淚沾衣閨中望斷南來雁到得秋來猶未歸

與漱芳孝諒兩妹夜話

陳雲籠月月籠霜冷逼鐙魂暗吐光玉漏滴殘寒夜永圍爐且莫話滄桑

王芬字漱芳蓬萊人候選知縣梓賢女榮成京卿孫葆田子婦江蘇知縣昌燕繼室

寒食

無邊紅紫鬪芳妍，卻是清明雨後天。
滿地柳陰啼杜宇，隔牆花影落秋千。
青帘幾處飄村舍，荒塚連阡化紙錢。
野外難禁三日火，飛灰亂裊夕陽煙。

春閨怨

宿雨開晴曉，輕寒懶釀花。
無如舊時燕，猶戀故人家。

秋日

蕭殺秋聲裏，幽懷感百端。
蟬嘶露華重，螢度月波寒。
竹外疏花瘦，廊腰敗葉乾。
獨憐三徑菊，冷節未闌珊。

旅夜

旅館羈身苦，寂寥西風庭。
樹響蕭蕭秋，鉦廿五寒聲碎。
何處高樓起洞簫。

詠菊

傲骨清標滿路開何年陶令賦歸來暗香盈袖風簾捲自
向東籬酌一杯

感時

世亂年荒何處家陶輪浩劫涌塵沙元黃血染龍蛇起誰
倚危樓聽暮笳

賞雪

乾坤不夜月無光萬壑羣山盡玉妝驢背詩翁去千載雪
中冷落野梅香

趙錄縝字孝諒安邱人河南知縣芳畦女有天諒室詩
略

詩話孝諒幼字芭縣大理寺卿管廷鸚子象鼎未婚
象鼎歿矢志守貞其書感云露龍人間世微茫身後

名赴都留別仲媛云愧我侍親猶
在世憐君同是未亡人誦者哀之

有感

皎皎舊時月照我前庭除天地同一色悲歡境各殊憶昔
兄妹四談笑共宴居此景不易得思之竟何如兩兄宦京
國秋風思莼鱸仲兄成永訣忽忽七載餘死別求夢寐生
離憑雁魚百感填膺滿拈毫苦難書傷哉閨中子日與愁
病俱耿耿不能寢風露沾衣裾

驟雨忽霽星月娟明徙倚庭除卽景賦懷

蒸人煩暑鬱中庭參差樹影清蟬鳴晚雲忽壓雷聲起雨
勢倒挾滄溟傾微風嫋嫋吹銀河明月盈盈揚素波碧天
澄鮮靚如洗誰倚高樓發浩謠

夏夜卽事

明倫彙編 家範典 卷一百一十一
空濛香霧合人立小斜廊頓覺羅衣薄微微生夜涼流螢
度水閣冷露下蓮房何處簫聲咽哀音一斷腸

秋日卧病焚香禮佛甚蕭寥也成四韻

漸覺流光暮蕭條倍慘然秋心最搖落病骨况纏綿奉佛
三生石焚香一縷煙藥爐伴禪榻消盡菊花天

雨夜讀楚辭

破悶無繆讀楚辭愁心宛轉病支離自憐已抱秋情緒况
復深宵夜雨時

題綠窗詩草

蘭心蕙質雪爲姿意氣橫飛足振奇憂國如焚託諷諭蛾
眉眞箇愧鬚眉

方毓昭字雲軒自號煙霞內史懷甯人錢枏母有陟齋

詩集

懷古

長門賦與白頭吟怨悱淒涼變雅音畢竟古人恩義重挽回猶可借文心

閒詠

無聊時復聳吟肩筆硯常堆短榻前偶憶毛詩心恍惚呼兒代記在何篇

大兒森保今甫七齡去歲葩經業已成誦

劉文嘉滄州人南皮張文襄公子婦光緒戊戌進士四

品京堂權室有然藜閣詩鈔

詩話然藜閣詩言志書懷具見學養如村居雜興讀書知命諸作其胸襟非尋常閨閣所有

謁三君祠

三君祠外嘯鷗鵠三君祠前路盤紆婦孺瞻仰官長拜千

秋俎豆虞韓蘇昔日天涯歎淪落天遣先生爲木鐸不教
廊廟展經綸卻向蠻荒興禮樂黨禍無人鑒覆車石工姓
字不忍書漢庭指佞無屈軼嶺海尊賢有鱣魚致君堯舜
古難必蛾眉謠詠偏多嫉百年榮瘁總成塵一片浮雲能
蔽日當時行跡沒苔錢此日崇祠鎖暮煙應羨山堂阮太
傅聖朝際遇勝前賢

板橋垂釣

紅橋幾曲照湖明十頃琉璃鏡樣平香餌不施竿在手悠
然物我兩忘情

大雪送式三弟沙市歸省用東坡鄭州別子由韻

別酒欲傾愁兀兀客子聽雞待月發陟屺無辭行路難肯
使倚閭悲寂寞咫尺天涯言笑隔行跡旋看雪花沒嚴冬

于役愁衣薄舟楫馬蹏銷歲月行人嗟歎農人樂雨雪載
塗寒惻惻從來志士恥溫飽轉眼百年易悠悠起登高閣
望歸人人去江空景蕭瑟莫因惜別慘離顏早去娛親供
子職

村居大雪

雪擁柴門未埽除朝來更值爨煙虛且拈凍管親冰硯學
寫平原乞米書

村居雜興

萬方正多難元黃戰未已長安不易居鹿車返田里廉吏
子孫貧家風舊如是茅檐三五椽門前一泓水煙樹擁柴
扉清曠頗可喜良人素樂道固窮孫叔子兒童習禮讓諸
弟事經史夜績與晨炊同心有妯娌菜根風露香真味土

膏美布衣足溫暝適體勝紈綺寒夜一樽酒家釀甘且旨
長物有琴書意境無塵滓倦鳥暮投林於焉知所止窮鄉
人迹遠當可免傾否晴窗釋硯冰興來書一紙緘札報吾
兒無勞歌陟屺

讀書

吾年日衰老復值離亂世窮居人跡稀白晝柴門閉從來
腐儒狀自不厭粗糲晨起摘園蔬晚菰頗甘脆飽食無所
爲攤書喜晴霽清興會不孤同志有吾姊奧旨共鑽研道
義相砥礪爲日苦不足夜夜鐙膏繼童孫侍隅坐似解聞
孝悌家法守一經長爲子孫計可奈綱紀頽邪說衆爲蔽
六經將灰埃把卷時隕涕

知命

明年五十二太歲在壬子嘗聞星家言吾年止於此人生
如朝露早晞亦常理兒女各長成向平願粗已先爲同牢
人入穴驅螻蟻奉匭侍舅姑次媳具甘旨長男齋志歿恨
不如汪錡小姑最同心情話石投水我生卽鮮民望雲陟
帖岬先隴亦非遙歸甯無百里重泉聚骨肉樂事從茲始
其言若不讐幸存亦可喜餘生皆儻來此身卽敝屣春草
滿階除春花豔紅紫夏木擇榆槐秋圃蒔菊杞冬雪掩關
坐萬樹梅花裏眼前有生意一一出琴指偕老歌負戴歸
來樂耘耔雞鶩足稻粱兒孫抱經史行樂貴及時上壽百
年耳賢愚總一邱知命靜以俟

早春喜雨

牆頭柳色見微黃門外清溪碧玉光已覺東風到窮巷一

畦春雨野蔬香

彈琴

良夜調素琴絃和指復柔一彈聲泠泠再鼓心悠悠緩若
片雲停急如三峽流雍雍和鳴雁泛泛不繫舟松風起深
谷修篁響清秋飄然凌雲思恍挾飛仙游聊以自怡悅何
必知音求信哉歐公言可以瘳幽憂

初夏卽事

閒與鄰娃共治麻茅簷晴日響繰車忽驚籬角如堆錦新
綻幾叢君子花

落花

天涯芳草綠初勻腸斷莊周醒後身寂寂小園空有恨茫
茫大地竟無春斜風細雨過三月淺白長紅隔一塵紫玉

成煙麗華死三生何處問前因

亂後喜見諸弟

相看悲喜集未語各潸然聚首忽今日驚心憶去年人情
秋後葉老景夕陽天世亂歸難必生逢亦可憐

漫興

人海風波無定時滄桑過眼幾更移懺除結習花難著脫
盡眉毫句未奇養得幽蘭勝嬌女長親書卷對嚴師青鐙
尙有兒時樂竟夜長吟子美詩

江岸步月

信步微吟度淺莎夜深形影獨婆娑天高雲讓團團月江
淨秋生渺渺波千古興亡蕉下夢百年哀樂隙中過不須
更爲湘娥弔孔跖同歸一剎那

番禺梁節菴先生貽外子崇陵雪一罍因煎茶薦先

太保文襄公

崇陵飛雪點茶湯親奉柶捲薦影堂故國歌聲徧禾黍老
臣心事識冰霜每陳手詔開遺篋屢見頭綱賜上方今日
分嘗猶侍餽清芬徹骨起悲涼

孤竹堂讀魏果敏公詩

昨登孤竹堂得觀魏公詩肅然再拜讀嚮往興遐思公詩
若元氣能入人肝脾丹誠所團結揮灑何淋漓從來忠直
士最難逢主知公生當聖代魚水遇合奇宜其獨對日感
激涕泗垂悠悠三百載髣髴見鬚眉空堂剩遺墨鬼神爲
護持羨此蒼髯翁親見留題時

堂前後三松
皆千年物

晚晴簃詩匯卷一百九十一終